



UNIVERSITÄTS-
BIBLIOTHEK
PADERBORN

Clypevs Theologiæ Thomisticæ

Continens Tractatus de attributis, de visione Beatifica, de scientia Dei, ac
de ejus voluntate, & Providentia

Gonet, Jean-Baptiste

Parisiis, 1669

§. I. Prima pars quæsiti resolvitur,

[urn:nbn:de:hbz:466:1-77232](#)

DISPV TATIO PRIMA.

DE POSSIBILITATE VISIONIS

Beatificæ.

Duo fuerunt olim, circa possibilitem visionis Beatificæ, errores præcipui, & inter se oppositi. Primus eam ex solis naturæ viribus possibilem esse dicebat; alter è contra, illam ex viribus etiam gratiæ, & Dei elevatione impossibilem affirmabat, ut infrà latius expendimus. Unde ut hi errores, in hujus Tractatus lumine confutentur, duo in hac prima disputatio-ne, demonstranda sūcīpīmus: primum est, claram Dei visionem, ex viribus naturæ esse impossibilem: secundum, illam ex auxilio gratiæ, & supernâ Dei elevatione, possibilem esse, juxta illud Anselmi: *Dens inaccessibilis cùm sit nostris viribus, acceditur ad eum suis munib⁹.*

ARTICVLVS I.

Vtrum aliqua substantia creata, vel creabilis, possit naturaliter videre Deum?

§. I.

Prima pars questio resolvitur.

1. Notandum primò: Visionem, propriè loquendo, esse manifestā, & clarā notitiā aliquajus potentiarum cognoscitivarum, de aliquo objec-to. Unde aliud est cognitio intellectus, aliud visio: cognitio enim est quæcumque notitia etiam imperfecta; visio autem est notitia perfectissima, clara, & intuitiva, quod patet ex ejus derivatione: nam visio, secundum primariam acceptiōnem, est actus potentiarum visivarum, que est in oculo corporeo, & qua non attingit nisi rem presentem: Unde cùm intellectus se habeat in anima, sicut oculus in corpore, tunc tantum ejus actus cognoscitivus, propriè dicitur visio, cùm clarè & intuitivè fertur in rem sibi realiter præsentem.

2. Notandum secundo: Duplex à Philosophis solere distingui objectum potentiarum cognoscitivarum, unum quod vocant connaturale, & proportionatum, ad quod potentia potest connaturaliter ferrari, absque ulla confortatione, aut elevatione. Alterum quod appellant adæquatum, & terminativum, vel extensivum, ad quod illa, saltem ut confortata, & elevata, potest se extendere: v.g. lux Solis est impropria-tionata respectu oculi nocturnæ, non tamen est extra latitudinem potentiarum ejus visivarum, quia est ejusdem speciei cum nostra, & ita per corroboracionem, & confortationem, potest pervenire ad hoc ut videat Solem, sicut nos, His præmissis.

3. Dico primò: nullum intellectum creatum, ex proprijs viribus posse clarè, & intuitivè videre Deum.

Conclusio est certa de fide, contra Anomœos (inter quos præcipius fuit Eunomius) qui dicebant intellectum creatum, in hac vita posse naturaliter videre Deum: quem errorem postea fecuti sunt Begardi, & Beguinæ, quos damnavit Clemens V. in Concilio Viennensi, ut referuntur in Clementina ad nostrum, de Hæreticis.

Tom. I.

A Illum rejecit Scriptura, varijs in locis: dicitur enim Isaïa 64. *Oculus non vidit Deus absque te, quæ preparasti expectantibus te.* Quæ verba Hieronymus, & alij Sancti Patres explicant de visione beata, & obiecto ipsius, quod nullo oculo corporeo, aut spirituali, naturaliter videri possit. Quæ etiam de causa 1. ad Timot. 6. Deus dicitur *habitat lucem inaccessibilem*, & ad Roman. 6. vita æterna, quæ consistit in visione Dei, *Gratia appellatur*, ut significetur, illam dari à Deo gratis, & ex pura liberalitate; eamque superare debitum, exigentiam, & vires totius naturæ creare.

Idem declaratur in illa mirabili visione Isaïæ Propheta cap. 6, ubi dicitur, *Vidi Dominum sedentem in sólio excelso*: quasi transcedentem proportionem, & vires cujusvis intellectus creati, quantumcunque elevati. Et additur, *Seraphim stabant circa eum, sex alæ uni, & sex alæ alteri, & duabus relabant facies suas*, ut significantem improprietatem, quæ est inter intellectum angelicum, & immensus splendorem divinæ lucis. Unde Dionysius cap. 1. de divin. nomin. tribuit elevationi supra naturam, quod Beata illa mentes Deum videant, & ait, *Eas constanter & immobiliter ad illucētum sibi radium attollī, & congruo permisſarum sibi illuminationum amore, velut in altum pennis sublevari.*

Eadem veritas ratione suadetur. Ut enim discurrit S. Thomas 3. contra Gent. cap. 52. Quod est proprium alij naturæ superiori, non potest competere naturæ inferiori, nisi per actionem superioris cui est proprium. Sicut aqua non potest esse calida, nisi per actionem ignis: Sed videre Deum ut est in se, est proprium divinæ naturæ; quia operari secundum propriam formam, est proprium cujuslibet operantis: Ergo non potest alia creatura pervenire ad visionem Dei ut est in se, nisi ex actione Dei eam elevantis ad hanc sublimem operationem. Ubi, ut recte notat Ferrariensis, S. Doctor non accipit, *proprium*, prout excludit omne extraneum à subjecto: pro eo scilicet quod convenit alij soli, & nulli extraneo ab ipso, sicut risibilitas est propria hominis, quia sic ratio D. Thomæ assumeret quod haberet probandum; sed accipitur, *proprium*, pro eo quod est connaturale alij, secundum quod ab alijs differt. Unde sensus hujus rationis est: quod quia videre Deum per ipsam divinam essentiam, est naturale Deo, ut esse calidum est connaturale igni, nulli creaturæ intellectuali convenire potest, nisi per actionem Dei confortantis, & elevantis ejus intellectum: sicut calefacere non convenit aquæ, nisi ex actione ignis in illam.

Confirmatur, & magis illustratur hæc ratio, alia quam ibidem habet S. Doctor. Si aliquis intellectus creatus, naturaliter videret Deum, haberet connaturaliter essentiam divinam, per modum formæ, & speciei intelligibilis, sibi unitam: Sed hoc repugnat: Ergo &c. Major est certa: quia, ut infrà ostendemus, ad visionem Dei impossibilis est, vel saltem inutilis, quæcumque alia species, distincta ab essentia divina. Minor vero probatur.

P

DISPUTATIO PRIMA

Primo quia forma alicui naturae connaturalis & propria; non potest alteri communicari naturaliter, sed supernaturaliter dumtaxat; v. g. quia substantia increata, est connaturalis Deo, non potest ulli creaturae naturaliter, sed tantum supernaturaliter communicari: Atqui essentia divina, ut habet rationem speciei intelligibilis, est propria forma intellectus divini, sicut substantia increata est proprius terminus naturae divina: Ergo non potest ulli creature naturaliter communicari.

Secundo probatur eadem Minor: Si natura creata pateretur naturaliter uniri essentiæ divinae, ut specie intelligibili, haberet vim naturalem ad illam unionem, subindeque quandam efficaciam in essentiam divinam: nam ille qui potest unire extrema, deberet habere dominium, & efficaciam in illa: Consequens est absurdum: Ergo & Antecedens.

6. Secunda ratio principalis nostræ conclusionis exponitur à D. Thoma ibidem, & art. 4. hujus questionis. Cuilibet naturæ intellectuali proprium est, ut intelligat secundum modum suæ substantiae: Sed essentia Dei nequit quidditativè cognosci, ad modum alicuius substantiae creatae: Ergo a nulla substantia intellectuali creata, naturaliter videri potest. Minor constat: Quia essentia Dei, cum sit actus purus, & infinitus, ac per se substantia, quamcumque substantiam intellectualem creatam, in infinitum excedit. Major autem in qua est difficultas, probatur primo à D. Thoma, ratione à priori. Cognitio fit secundum quod cognitum est in cognoscente: Sed cognitum est in cognoscente, secundum modum cognoscendi, quidquid enim recipitur, ad modum recipientis recipitur: Ergo cuiuslibet cognoscentis cognitionis, est secundum modum sua naturæ.

Secundo eadem Major inductione ab illo declaratur. Quatuor enim sunt genera cognoscitorum & totidem objectorum cognoscibilium. In primo ordine sunt facultates sensitivæ, qua ad objecta solùm sensibilia se extendunt. In secundo, est anima rationalis, qua simul est intellectiva, & forma corporis; & ideo cognoscit objecta modo suo essendi proportionata, que scilicet corporeæ sunt quoad substantiam, & spiritualia quoad modum, inquantum sunt à phantasmibus, & conditionibus materiae depurata, ideoque cognoscit objectum concretum quidditati sensibili, ut tamen est universale. In tertio ordine sunt substantiae separatae à materia corporea, non tamen à potentialitate, & imperfectione: scilicet Angeli, qui habent pro objecto connaturali, & proportionato, propriam substantiam, ad cuius modum omnia cognoscunt, ut docetur in Tractatu de Angelis; & idem dicendum est de anima rationali in statu separationis. Ultimum tandem ordinem constituit Deus, qui cùm sit suum esse, & actus purissimus, non habet aliam speciem per quam intelligat, nec aliud objectum motivum & terminativum, quām propriam essentiam, ut Tractatu precedentem fuisse ostendimus.

7. Ex hac ergo inductione, in primis habetur, quamlibet naturam intellectualem hoc habere proprium, ut intelligat secundum modum sua substantiae: ita quod potentia, & objectum connaturaliter cognitionis, debeant semper esse in eodem gradu, & genere immaterialitatis; licet (ut infra dicemus) illud genus latitudinem aliquam pati possit.

Secundo habetur, quod cùm Deus non sit nec

A esse possit in eodem gradu immaterialitatis, cum aliquo intellectu creato, à nullo potest connaturaliter videri. Nam si improportion, qua est inter animam unitam corpori, & Angelum, qui est substantia omnino spiritualis, & independens à corpore, impedit quominus anima possit naturaliter videre Angelum: à fortiori ille excessus, & illa improportion, que inter essentiam divinam, & intellectum humanum, vel angelicum reperitur, impedit quod homo vel Angelus, possit naturaliter videre Deum.

Denique suadetur conclusio. Quidquid intellectus humanus, vel angelicus, naturaliter de Deo intelligit, per ejus effectus cognoscit: nos quidem per sensibilia, substantia autem separata per proprias essentias, & quidditates: Sed effectus Dei, utpote finiti, & limitati, & potentiam Dei non adæquantes, ad quidditativum Dei cognitionem non possunt nos perducere: substantia etiam Angelii, quamvis sit speculum lucidissimum, in quo perfectiori modo, quam in rebus sensibilibus, reluet divinitatis imago: est tamen longe inferior perfectioni divinae, ut finitus infinito: Ergo intellectus humanus, vel angelicus, naturæ viribus, ad quidditativam & intuitivam Dei cognitionem pervenire nequit.

§. II.

Solvuntur objectiones.

C **O**bjicies primò: Vel Deus ut est in se, continetur intra objectum adæquatum intellectus creati, vel non? Si primum dicatur, sequitur intellectum creatum posse naturaliter videre Deum: Nam quilibet potentia cognoscitiva, naturaliter ferri potest in id omne quod continetur intra ejus objectum adæquatum, v. g. oculus potest naturaliter videre omnes colores, & auditus percipere omnes sonos. Si secundum affirmatur, sequitur nullum intellectum creatum, posse ad visionem beatissimam elevari, quia nulla potentia cognoscitiva elevari potest, ad cognoscendum id quod non continetur intra limites sui objecti adæquati: visus enim v. g. non potest percipere sonos, nec auditus videre colores.

Respondeo cum D. Thoma 3. cont. Gent. cap. 54. ubi virtualiter eandem sibi objectionem proponit, & dicit quod divina substantia non sic est extra facultatem intellectus creati, quasi aliquid omnino extraneum ab ipso, sicut est sonus à visu, vel substantia immaterialis à sensu (nam ipsa divina substantia est primum intelligibile, & rotius intelligibilis cognitionis principium) sed est extra facultatem intellectus creati, sicut excendens virtutem eius, sicut excellentia sensibilia sunt extra facultatem sensuum. Quibus verbis declarat, Deum ut est in se, contineri quidem intra objectum extensivum, & adæquatè terminativum intellectus creati, non tamen intra objectum connaturale & proportionatum; & ita posse quidem ad Dei visionem supernaturaliter elevari, non tamen illum videre connaturaliter: Ad hoc enim ut aliqua potentia cognoscitiva, possit connaturaliter ferri in aliquod objectum, non solùm requiritur quod illud continetur intra limites objecti adæquatè terminativi, sed etiam quod si intra objectum connaturale, & proportionatum. Si autem queras, quodnam sit objectum adæquatum, seu terminativum, & objectum proportionatum, seu connaturale intellectus humani & angelici? Breviter respondeo:

8.

10.